

ჩეხეთის რესპუბლიკის კარიტასი  
საქართველოში  
&  
ხულოს ადგილობრივი განვითარების ჯგუფი  
პროექტი  
„სოფლის განვითარებისა და დივერსიფიკაციის  
ხელშეწყობა ხულოს მუნიციპალიტეტში“

სოფლის განვითარების მეორე საგრანტო კონკურსის სახელმძღვანელო<sup>1</sup>

პროექტის იდეის კონკურსი  
(პირველი ეტაპი)

---

<sup>1</sup>წინამდებარე პროცედურები ემყარება “ენპარდის” II (ENPARD II) პროექტის ფარგლებში სხვა განმახორციელებელი ორგანიზაციების მიერ შემუშავებულ მსგავს საგრანტო სახელმძღვანელოებს

## პროექტის შესახებ

საერთაშორისო არასამთავრობო ორგანიზაცია ჩეხეთის რესპუბლიკის კარიტასი საქართველოში (CCRG) სოფლისა და სოფლის მეურნეობის განვითარების ევროპის სამეზობლო პროგრამის (ENPARD) ფარგლებში ხორვატიის სოფლის განვითარების ქსელთან (HMRR) და ქართულ არასამთავრობო ორგანიზაცია PMC კვლევით ცენტრთან (PMCRC) პარტნიორობით ახორციელებს პროექტს „სოფლის განვითარებისა და დივერსიფიკაციის ხელშეწყობა ხულოს მუნიციპალიტეტში“. პროექტის მიზანია ხულოს მუნიციპალიტეტში სოფლად დასაქმებისა და საცხოვრებელი პირობების გაუმჯობესება სოფლის ეკონომიკის დივერსიფიკაციის საშუალებით.

## საგრანტო კონკურსი

პროექტის ფარგლებში, ჩეხეთის რესპუბლიკის კარიტასი საქართველოში აცხადებს 2019 წლისთვის სოფლის განვითარების მეორე საგრანტო კონკურსს.

სოფლის განვითარების მეორე საგრანტო კონკურსის მიზანია იმ პროექტების დაფინანსება, რომლებიც ითვალისწინებს ხულოს 2018-2022 წლების ადგილობრივი განვითარების სტრატეგიის პრიორიტეტებისა და საკვანძო ამოცანების შესრულებას და არსებული სოციალურ-ეკონომიკური პირობების გაუმჯობესებას.

ხულოს ადგილობრივი განვითარების სტრატეგიით ექვსი პრიორიტეტული მიმართულებაა განსაზღვრული:

1. ტურიზმი სოფლად (საოჯახო სასტუმროები არ ითვლება პრიორიტეტულ მიმართულებად);
2. სოფლის მეურნეობა;
3. კომუნალური და სოციალური ინფრასტრუქტურა;
4. კულტურა, ჯანდაცვა, განათლება, სპორტი და ახალგაზრდობა;
5. არასასოფლო-სამეურნეო საქმიანობები;
6. გარემოს დაცვა და ბუნებრივი რესურსების მდგრადი მართვა.

პრიორიტეტი მიენიჭება პროექტებს, რომლებიც პასუხობს ხულოს ადგილობრივი განვითარების სტრატეგიის ამოცანებსა და სტრატეგიულ აქტივობებს (იხ. ხულოს ადგილობრივი განვითარების სტრატეგია 2018-2022, გვ. 5-6)

სოფლის განვითარების წინამდებარე საგრანტო კონკურსი ვრცელდება ხულოს მუნიციპალიტეტის მთლიან ადმინისტრაციულ ტერიტორიაზე. გრანტით დაფინანსდებიან მხოლოდ ის პროექტები, რომლებიც ასახავენ ხულოს ადგილობრივი



განვითარების სტრატეგიით განსაზღვრულ პრიორიტეტებს. გრანტები ხელმისაწვდომია საჯარო, სამოქალაქო და ბიზნეს პროექტებისთვის.

გრანტი არ გაიცემა იმ ფიზიკურ და იურიდიულ პირებზე, რომლებმაც ENPARD ხულოს სოფლის განვითარების კონკურსის ფარგლებში უკვე მიიღეს დაფინანსება ან გამოვლინდნენ გამარჯვებულად. შეზღუდვა ვრცელდება გრანტის მიმღების ოჯახის წევრებზეც.

ადგილობრივი განვითარების ჯგუფის საგრანტო კომიტეტის გადაწყვეტილებით, საგრანტო დაფინანსების მისაღებად განსაზღვრულია შემდეგი ეტაპები:

1. პროექტის იდეის კონკურსი;
2. სრული საპროექტო წინადადებების კონკურსი;
3. ვერბალური პრეზენტაცია.

საგრანტო კონკურსში გამარჯვებისთვის აპლიკანტმა უნდა გაიაროს კონკურსის სამივე ეტაპი. პროექტის იდეის კონკურსისა და სრული საპროექტო წინადადების ეტაპზე საპროექტო წინადადებები შეფასდება ქულებით, ხოლო საბოლოო გადაწყვეტილება მიიღება საგრანტო კომიტეტის წევრების მიერ, ხმათა უმრავლესობით, კონკურსის მესამე ეტაპზე, როდესაც აპლიკანტები საკუთარი საპროექტო განაცხადების შესახებ ვერბალურ პრეზენტაციას გააკეთებენ.

ადგილობრივი განვითარების ჯგუფის პრიორიტეტების, მიზნების, ამოცანებისა და შესაძლო პროექტების/აქტივობების შესახებ დეტალური ინფორმაციისთვის გთხოვთ ეწვიოთ ხულოს ადგილობრივი განვითარების ვებ-გვერდს ([www.khulolag.ge](http://www.khulolag.ge)).

ასევე, შეგიძლიათ, ეწვიოთ ჩეხეთის რესპუბლიკის კარიტასის (CCRG) ხულოს ოფისს შემდეგ მისამართზე: ტბელ აბუსერიძის ქუჩა #2 ან ისარგებლოთ ცხელი ხაზით **551 13 55 25** ან გამოაგზავნოთ ელექტრონული წერილი მისამართზე: [info.enpard.khulo@caritas.cz](mailto:info.enpard.khulo@caritas.cz).

## მეორე საგრანტო კონკურსის ვადები

მეორე საგრანტო კონკურსი დაიწყება - 2019 წლის 1 ივნისს.

## საგრანტო განაცხადის წარდგენა

კონკურსში მონაწილეობის მსურველმა აპლიკანტმა პროექტის იდეა უნდა წარადგინოს ელექტრონულად, ქართულ ენაზე, და გააგზავნოს მისამართზე: [info.enpard.khulo@caritas.cz](mailto:info.enpard.khulo@caritas.cz) ან უნდა წარადგინოს ორიგინალი დოკუმენტი კომპაქტ დისკთან ერთად (ელექტრონულად), ჩეხეთის რესპუბლიკის კარიტასის ხულოს ოფისში შემდეგ მისამართზე: ტბელ აბუსერიძის ქუჩა #2, სასტუმრო ხულო III სართული.



აპლიკაციის ფორმის ჩამოტვირთვა შესაძლებელია ინტერნეტ გვერდიდან: [www.khulolag.ge](http://www.khulolag.ge).

პროექტის იდეის წარდგენის ბოლო ვადაა 2019 წლის 1 ივლისი 17:30. ამ ვადის გასვლის შემდეგ წარმოდგენილი განაცხადები არ განიხილება. მეორე საგრანტო კონკურსით განსაზღვრული პროექტის იდეის აპლიკანტების შეფასება დასრულდება 2019 წლის ივლისის ბოლოს.

საბოლოო შედეგები გამოქვეყნდება ხულოს ადგილობრივი განვითარების ჯგუფის ინტერნეტ გვერდზე ([www.khulolag.ge](http://www.khulolag.ge)). ასევე, ყველა აპლიკანტი ინფორმირებული იქნება ტელეფონის საშუალებით.

სრული საპროექტო წინადადების მიღების ვადების განსაზღვრა მოხდება იდეების კონკურსის დასრულების შემდეგ.

ინფორმაცია სრული საპროექტო წინადადების კონკურსის პროცედურების შესახებ აიტვირთება პროექტის იდეის კონკურსის გამარჯვებულების გამოვლენის შემდეგ.

## ინფორმაციის გავრცელება

საგრანტო აპლიკაციების მიღებამდე, ხულოს მუნიციპალიტეტში ინფორმაციის მაქსიმალურად გავრცელების მიზნით დაიწყება საინფორმაციო კამპანია, რათა უზრუნველყოფილი იქნეს მოსახლეობისთვის საკონკურსო პირობების მოკლე მიმოხილვის წარდგენა. აღნიშნული დოკუმენტი, აგრეთვე აიტვირთება ხულოს ადგილობრივი განვითარების ჯგუფის ინტერნეტ გვერდზე: [www.khulolag.ge](http://www.khulolag.ge). პროცესში ჩართულები იქნებიან ENPARD ხულო პროექტის ოფისის თანამშრომლები და ხულოს ადგილობრივი განვითარების ჯგუფის წევრები.

სოფლის განვითარების მეორე საგრანტო კონკურსის შესახებ დეტალური ინფორმაციის მიღების მიზნით, მათ შორის პროექტის იდეის ფორმის შევსებისა და წარდგენის პროცედურების შესახებ, ღია კარის დღეები ჩატარდება 2019 წლის 6 ივნისიდან 28 ივნისის ჩათვლით სამუშაო დღეებში, ENPARD ხულო პროექტის ოფისში 13:00 საათიდან 17:00 საათამდე.

აპლიკაციებისა და შეფასების კრიტერიუმების შესახებ ფორმალური და ფაქტობრივი მოთხოვნები შეგიძლიათ იხილოთ ხულოს ადგილობრივი განვითარების ჯგუფის ინტერნეტ გვერდზე: ([www.khulolag.ge](http://www.khulolag.ge)) და ასევე, ENPARD ხულო პროექტის ოფისში, ზემოთ მითითებულ მისამართზე.

## გრანტის მოცულობა

სოფლის განვითარების მეორე საგრანტო კონკურსის მაქსიმალური თანხა თითოეულ პროექტზე:

- კომერციული პროექტისთვის 2,000-დან 60,000 ევრომდე (ექვივალენტი ლარში);
- არა-კომერციული საჯარო ორგანიზაციები და მუნიციპალიტეტის მერიის პროექტებისთვის 2,000-დან 20,000 ევრომდე (ექვივალენტი ლარში);
- არა-კომერციული სამოქალაქო საზოგადოებრივი ორგანიზაციების პროექტებისთვის 2,000-დან 20,000 ევრომდე (ექვივალენტი ლარში).

თანადაფინანსება არის საგრანტო კონკურსის სავალდებულო კომპონენტი, რომელიც უნდა შეადგენდეს მინიმუმ:

- კომერციული 25%
- არა-კომერციული საჯარო ორგანიზაციები და მუნიციპალიტეტის მერია 40%
- არა-კომერციული სამოქალაქო საზოგადოებრივი ორგანიზაციები 15%

პროექტის იდეის კონკურსის დასრულების შემდეგ კომერციული პროექტები დაჯგუფდება მოთხოვნილი თანხის შესაბამისად (დაბალი, საშუალო და მაღალ ბიუჯეტის) და განისაზღვრება კვოტები (პროცენტულად საგრანტო ბიუჯეტის შესაბამისად). კვოტირების მიზანია უზრუნველყოფილი იყოს თანაბარი კონკურენცია თანაბარ ბიუჯეტის პროექტებს შორის. არაკომერციული პროექტები გამოიყოფა ცალკე ჯგუფად და მათთვის გამოიყოფა ცალკე კვოტა (პროცენტულად საგრანტო ბიუჯეტის შესაბამისად). პროექტები დაჯგუფებულია შემდეგნაირად:

- დაბალ ბიუჯეტის კომერციული პროექტები, რომელთა მოთხოვნილი თანხა შეადგენს 2.000 ევროდან 10.000 ევრომდე; (საგრანტო ბიუჯეტის 28%)
- საშუალო ბიუჯეტის კომერციული პროექტები, რომელთა მოთხოვნილი თანხა შეადგენს 10.000 ევროდან 30.000 ევრომდე; (საგრანტო ბიუჯეტის 28%)
- მაღალ ბიუჯეტის კომერციული პროექტები, რომელთა მოთხოვნილი თანხა შეადგენს 30.000 ევროდან 60.000 ევრომდე; (საგრანტო ბიუჯეტის 38%)
- არა-კომერციული პროექტები; (საგრანტო ბიუჯეტის 6%)

## პროექტის იდეის კონკურსი

ინფორმაცია მეორე საგრანტო კონკურსის შესახებ გამოცხადდება ხულოს მუნიციპალიტეტის მთელ ადმინისტრაციულ ტერიტორიაზე. კონკურსში მონაწილეობის მსურველი აპლიკანტები ელექტრონულად წარადგენენ პროექტის იდეის ფორმას (დანართი 1) ქართულ ენაზე. აპლიკაციის ფორმის ნახვა შესაძლებელია





ინტერნეტ ვერგვერდზე: [www.khulolag.ge](http://www.khulolag.ge). განაცხადის მიღება დადასტურებული იქნება ელექტრონულად.

თავდაპირველი აპლიკაციების წარდგენის შემდეგ, ხულოს ადგილობრივი განვითარების ჯგუფის საგრანტო კომიტეტი განიხილავს შემოსულ აპლიკაციებს ხულოს ადგილობრივი განვითარების სტრატეგიისა და სოფლის განვითარების მეორე საგრანტო კონკურსის ძირითადი კრიტერიუმების მიხედვით (პროექტის იდეის აპლიკაციების შეფასების ფორმა და კრიტერიუმები დანართი 2). წარმატებული პროექტის იდეის ავტორები, რომლებიც აკმაყოფილებენ კრიტერიუმებს და პროექტის იდეის აპლიკაციის შეფასების ფორმის მიხედვით მიიღებენ მინიმალურ გადამლახავ ქულას, გადავლენ კონკურსის მომდევნო (სრული საპროექტო წინადადება) ეტაპზე.

**პროექტის იდეების კონკურსში** წარმატებული აპლიკანტები მიწვეულები იქნებიან მეორე ეტაპზე და მიეწოდებათ ინფორმაცია ტრენინგების გრაფიკის შესახებ. ამ ეტაპზე აპლიკანტები მონაწილეობას მიიღებენ ტექნიკურ ტრენინგებში სრული აპლიკაციების/ბიზნეს გეგმების მომზადებაზე. შემდეგ ეტაპზე გადასული აპლიკანტების ჩამონათვალი ასევე ხელმისაწვდომი იქნება ხულოს ადგილობრივი განვითარების ჯგუფის ინტერნეტ გვერდზე ([www.khulolag.ge](http://www.khulolag.ge)).

## **პროექტის იდეების კონკურსში მონაწილეობის პროცედურები**

სოფლის განვითარების მეორე საგრანტო კონკურსში მონაწილეობის უფლება აქვთ ნებისმიერ (რეზიდენტ და არარეზიდენტ) რეგისტრირებულ საჯარო, იურიდიულ და ფიზიკურ პირს, ვინც მიზნად ისახავს ბიზნესის წამოწყება/გაფართოებას ან არაკომერციული პროექტის განხორციელებას ხულოს მუნიციპალიტეტში. აპლიკანტი თანახმა უნდა იყოს საკუთარი სახსრებით თანადაფინანსებაზე (იხილეთ ცხრილი 1) დადგენილი მოთხოვნის შესაბამისად. პოტენციურ ბენეფიციარებს უფლება აქვთ, წარადგინონ ერთზე მეტი აპლიკაცია, თუმცა, თითოეული აპლიკანტის მიერ წარდგენილი კომერციული პროექტებიდან დაფინანსდება მხოლოდ ერთი ინიციატივა, ხოლო წარდგენილი არაკომერციულ პროექტებიდან მაქსიმუმ 2.

**რელიგიურ და პოლიტიკურ ორგანიზაციებს, ისევე როგორც ფინანსურ ინსტიტუტებს, უფლება არ აქვთ, მონაწილეობა მიიღონ სოფლის განვითარების მეორე საგრანტო კონკურსში.**

თანაბარი ქულების მიღების შემთხვევაში პრიორიტეტი მიენიჭება იმ პროექტებს, რომლებიც წარმოდგენილია ქალების და ახალგაზრდების მიერ, ასევე პროექტებს, რომლებიც ითვალისწინებს გარემოს დაცვას, ენერგოეფექტურობის ხელშეწყობას და



ახალგაზრდებისა და ქალების ჩართულობას, კოოპერატივებს და აქვს თანადაფინანსების მაღალი წილი.

## ცხრილი 1: დასაშვებობისა და თანადაფინანსების მოთხოვნები მთლიან პროექტზე

პროექტის ტიპი	პოტენციური ბენეფიციარი	თანადაფინანსების წილი
არაკომერციული პროექტები	<ul style="list-style-type: none"> <li>• ადგილობრივი მმართველობა და თვითმმართველობის ორგანოები</li> <li>• საჯარო სამართლის იურიდიული პირები</li> <li>• სხვა საზოგადოებრივი ინსტიტუციები</li> </ul>	მთლიანი პროექტის ბიუჯეტის მინიმუმ 40%.
არაკომერციული, სათემო პროექტები	<ul style="list-style-type: none"> <li>• საქართველოს მოქალაქეები და მოქალაქეთა ჯგუფები, (აჭარის მამულებით)</li> <li>• საქართველოში რეგისტრირებული სამოქალაქო ორგანიზაციები, რომლებიც პროექტებს ახორციელებენ ხულოს მუნიციპალიტეტში</li> </ul>	მთლიანი პროექტის ბიუჯეტის მინიმუმ 15%.
კომერციული პროექტები	საქართველოს მასშტაბით: <ul style="list-style-type: none"> <li>• ფიზიკური პირები, რომლებიც გეგმავენ ახალი ბიზნესის წამოწყებას ხულოს მუნიციპალიტეტში</li> <li>• იურიდიული პირები (მცირე საწარმოს მფლობელები- დასაქმებულია 10 კაცზე ნაკლები), რომლებიც გეგმავენ არსებული ბიზნესის გაფართოებას ხულოს მუნიციპალიტეტში</li> </ul>	მთლიანი პროექტის ბიუჯეტის მინიმუმ 25%.

### ფინანსები და მონიტორინგი<sup>2</sup>

ა. ხარჯები, რომელთა მოთხოვნა არ არის შესაძლებელი გრანტის ფარგლებში და არ არის გათვალისწინებული განმცხადებლის თანადაფინანსებაში:

<sup>2</sup> დეტალურად მოითხოვება მხოლოდ სრული საპროექტო წინადადების წარდგენის დროს.



- კრედიტების/სესხების გადახდა;
- მომავალი ხარჯების დაფარვა - ხელფასები/გადასახადები/საწვავი/ ნედლეული და სხვა საოპერაციო ხარჯები;
- უკვე აღებული ვალდებულებების დაფინანსება (მაგ. - სხვა წყაროდან უკვე აღებული ვალდებულებების დაფინანსება);
- ინდივიდუალური ხარჯები (მაგალითად - საგანმანათლებლო ან სამოგზაურო ხარჯები);
- ნებისმიერი ხარჯები, რომლებსაც არ ახლავს ინვოისები/გადახდის დამადასტურებელი დოკუმენტი.

*ბ. ხარჯები, რომელთა მოთხოვნა არ არის შესაძლებელი გრანტის ფარგლებში, ხოლო შესაძლებელია შევიდეს განმცხადებლის თანადაფინანსებაში:*

- მიწისა და შენობების შესყიდვა;
- სამშენებლო/სარემონტო მასალები და სერვისები (500 ლარზე ნაკლები ღირებულება ერთი ინვოისით);
- მომსახურება/შრომის ანაზღაურება დადასტურებული საშემოსავლო გადასახადით/სასაქონლო ზედნადებით/გადახდის ქვითარით;
- ცოცხალი მასალის და ნერგების შექმნა (მხოლოდ იურიდიული პირებისაგან, გარდა ი/მ-სა);
- ლიცენზიების, ნებართვების, კვლევების, სამშენებლო/საპროექტო დოკუმენტაციის გაცემასთან დაკავშირებული ხარჯები;
- დამოუკიდებლად მოწვეული ექსპერტები და კონსულტანტები.
- B კატეგორიის ავტომობილის შექმნა.

**ზემოთ ჩამოთვლილი კრიტერიუმებიდან, რომელიმეს არ გათვალისწინების შემთხვევაში პროექტის იდეა ავტომატურად ვერ გავა შეფასებაზე.**

კომერციული პროექტებისთვის განმცხადებლის თანადაფინანსებად შეიძლება ჩაითვალოს სხვა საშუალებებიდან მიღებული ნებისმიერი ფინანსური რესურსი, გარდა დონორის მიერ განხორციელებული დაფინანსებისა. არაკომერციული პროექტებისთვის თანადაფინანსებად შესაძლებელია ჩაითვალოს სხვა საშუალებებიდან მიღებული ნებისმიერი ფინანსური რესურსები, მათ შორის დონორის მიერ განხორციელებული დაფინანსება.

## საგრანტო კომიტეტი





საგრანტო კომიტეტი წარმოადგენს ხულოს ადგილობრივი განვითარების ჯგუფის დროებით ორგანოს, რომელიც ფუნქციონირებს მეორე საგრანტო კონკურსის დასრულებამდე. აღნიშნული ჯგუფიდან კომიტეტი შედგება არანაკლებ 15 წევრისგან (15 ძირითადი და დანარჩენი რეზერვი). კომიტეტის წევრების კანდიდატურებს წარადგენს ხულოს ადგილობრივი განვითარების ჯგუფის თავმჯდომარე და დამტკიცება ხდება ადგილობრივი განვითარების ჯგუფის გამგეობის უმრავლესობის მიერ.

პროექტის იდეის კონკურსში გრანტების კომიტეტი ორგანიზებულია 4 ან 5 ჯგუფად პრიორიტეტების მიხედვით (3 ლაგის წევრი თითოეულ ჯგუფში და 1 პროექტის ტექნიკური ჯგუფის წარმომადგენელი, რომელიც მოდერატორის როლს შეასრულებს) ადგილობრივი განვითარების ჯგუფის მართვის ორგანო მიიღებს გადაწყვეტილებას აღნიშნული 4-5 ჯგუფის დაკომპლექტებაზე. საგრანტო კომიტეტი პროექტის იდეის აპლიკაციების შეფასების ფორმისა და კრიტერიუმების მიხედვით აფასებს სხვადასხვა პროექტის იდეის განაცხადებს და მიღებული ქულების მიხედვით, გამოავლენს პროექტებს, რომლებიც მონაწილეობას მიიღებენ სრული საპროექტო წინადადებების კონკურსში.

საგრანტო შეფასების კომიტეტის შეხვედრებში მონაწილეობს “ENPARD ხულო” პროექტის მენეჯერი, როგორც დამოუკიდებელი დამკვირვებელი (ხმის გარეშე).

სრული საპროექტო წინადადებების კონკურსში საგრანტო კომიტეტის ორგანიზება და დაკომპლექტება განისაზღვრება პროექტის იდეების კონკურსის დასრულების შემდეგ.

**გამარჯვებულები გამოვლინდებიან წინასწარ დადგენილი კვოტებით, რომელიც განისაზღვრება იდეების კონკურსის დამთავრების შემდეგ სრული საპროექტო წინადადებების კონკურსის გამოცხადებამდე.**

საგრანტო კომიტეტის წევრის დათხოვნა შეუძლია თავმჯდომარეს, წევრის განცხადების საფუძველზე ან გამგეობის მიმართვის საპასუხოდ.

საგრანტო შეფასების კომიტეტის წევრს არ შეუძლია მიიღოს მონაწილეობა შესარჩევ პროცესში, თუ:

- შესარჩევი კომისიის წევრი წარმოადგენს აპლიკანტს, აპლიკანტის წარმომადგენელს, ოჯახის წევრს ან ნათესავს;
- შესარჩევი კომისიის წევრს გააჩნია სამსახურებრივი, ბიზნეს ან სხვა სახის ურთიერთობები აპლიკანტთან;
- შესარჩევი კომისიის წევრს გაწეული აქვს ფასიანი საკონსულტაციო მომსახურება პროექტის იდეების აპლიკაციების შევსებისას.



- შესარჩევი კომისიის წევრი დაკავშირებულია აპლიკანტთან რაიმე სხვა გზით ან არსებობს გარემოებები, რომლებმაც შესაძლებელია, გავლენა მოახდინონ ობიექტურ შერჩევაზე.

ინტერესთა კონფლიქტის ნებისმიერ შემთხვევაში ანუ იმ შემთხვევაში, თუ საგრანტო შეფასების კომიტეტის წევრს ან მისი ოჯახის წევრს გააჩნია რაიმე ფინანსური ან სხვა სახის ინტერესი აღნიშნულ პროექტში, ეს წევრი უარს ამბობს ამ კონკრეტული პროექტის და იგივე პრიორიტეტული მიმართულების სხვა პროექტების შეფასებაზე. ამ შემთხვევაში პროექტი შეფასდება კომიტეტის სხვა ჯგუფის მიერ.

## პროექტის შეფასება და ქულების მინიჭება

პროექტის იდეების კონკურსის ეტაპზე საგრანტო კომიტეტის თითოეული ჯგუფი აფასებს სხვადასხვა პროექტს. პროექტის იდეის თითოეული განაცხადი შეფასდება კომიტეტის 3 წევრის მიერ, პროცესს დააკვირდება ENPARD ხულო პროექტის თანამშრომელი. თითოეულ პროექტზე ერთი შემფასებლის მიერ მინიჭებული მაქსიმალური ქულაა **100**. თითოეულ პროექტზე მაქსიმალური ქულაა **300**. პროექტი, რომელიც საერთო ჯამში, მიიღებს **200** ქულაზე ნაკლებს, ვერ მიიღებს მონაწილეობას სრული საპროექტო წინადადების კონკურსში. იმ შემთხვევაში თუ პროექტის იდეების ეტაპზე გამარჯვებული პროექტების საერთო მოთხოვნილი თანხა 1.000.000 ევროზე ნაკლებია პროექტის გუნდი და საგრანტო კომიტეტი შეთანხმების საფუძველზე დაწესებულ 200 ქულიან ბარიერს შეამცირობენ.

პროექტების იდეების კონკურსის ეტაპზე პროექტი შესთავაზებს აჭარის ა/რ სოფლის მეურნეობის სამინისტროსა და აჭარის ტურიზმის დეპარტამენტს იდეების შერჩევაში მონაწილეობას. მათი თანხმობის შემთხვევაში სოფლის მეურნეობისა და ტურიზმის პრიორიტეტული მიმართულების პროექტები ასევე გადაიგზავნება აჭარის ა/რ სოფლის მეურნეობის სამინისტროში და ტურიზმის სააგენტოში რომლებიც დამატებით წერილობით რეკომენდაციას მისცემენ პროექტის იდეებს. უარყოფითი რეკომენდაციის შემთხვევაში პროექტის იდეები შეფასების გარეშე გამოეთიშებიან კონკურსს.

**პროექტები რომლებიც არ პასუხობენ საგრანტო სახელმძღვანელოს მოთხოვნებს და აუცილებელ კრიტერიუმებს (იხ. პროექტის იდეების შეფასების ფორმა) ტექნიკური ჯგუფის მიერ დახარვეზდება და არ შეფასდება.**

## შეტყობინება აპლიკანტისთვის გადაწყვეტილების შესახებ

წარმატებული პროექტის განმცხადებლებს საპროექტო იდეების ეტაპის გავლის შემთხვევაში გაეგზავნებათ შეტყობინება ტელეფონის/ელექტრონული ფოსტის საშუალებით შემდგომი პროცედურების შესახებ. დამტკიცებული პროექტის იდეების სიაც ასევე, ხელმისაწვდომი იქნება ელექტრონულად ხულოს ადგილობრივი განვითარების ჯგუფის ვებ-გვერდზე.

## სააპელაციო პროცედურა

აპლიკანტებს, რომლებმაც ვერ გადალახეს პროექტის იდეების პროექტების ეტაპი შეუძლიათ გამოცხადდნენ ორგანიზაციის „ჩეხეთის რესპუბლიკის კარიტასი საქართველოში“ ხულოს ოფისში განაცხადის უარყოფის შესახებ წერილობითი დასტურის მისაღებად (განცხადების მიღებიდან 1 კვირის ვადაში). თუ განმცხადებელთან დაკავშირება ტელეფონის საშუალებით ვერ მოხერხდა და პროექტის გუნდს შეეძენა მასთან დაკავშირების პრობლემა, ამ შემთხვევაში მხოლოდ განმცხადებელს ეკისრება პასუხისმგებლობა და 15 დღის ვადაში შეუძლია გამოცხადდეს პროექტის ოფისში.

ყველა განმცხადებელს, რომელსაც ეჭვი შეეპარება მისი განაცხადის შეფასების ობიექტურობაში ან ზოგიერთი პროცედურის სწორად ჩატარებაში, შეუძლია მოითხოვოს გადაწყვეტილების აპელაცია “ENPARD ხულო” პროექტის მენეჯერთან და ადგილობრივი განვითარების ჯგუფის ხელმძღვანელთან წერილობითი ფორმით. ENPARD ხულო პროექტის მენეჯერი და/ან ადგილობრივი განვითარების ჯგუფის თავმჯდომარე განიხილავენ სააპელაციო განაცხადს და მოიწვევენ განმცხადებელს ინტერვიუზე. თუ განმცხადებელი ფაქტებისა და დოკუმენტური მტკიცებულების საფუძველზე წარმოადგენს არგუმენტებს და დაამტკიცებს პროცედურების დარღვევით ჩატარებას, პროექტის მენეჯერი და/ან ადგილობრივი განვითარების ჯგუფის თავმჯდომარე გაუგზავნის სარეკომენდაციო წერილს საგრანტო შეფასების კომიტეტს საკითხის ხელახალი განხილვისა და შემდგომ საფეხურებზე მოქმედების შესახებ გადაწყვეტილების მიღების თაობაზე.

**პროექტიდან მოთხოვნილი საგრანტო რესურსები განთავისუფლებულია დღგ-ს გადასახადისაგან.**